



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Parthenij Francici tragicus exitus.

urn:nbn:de:hbz:466:1-45701

564 Cap. L I. Dinini iudicij equitas, etiam in Phoca Imperatore,
esse neglecta, plurima contra rationem acta, quibus vel in ipsa
venatione sibi vitæ filum incidi meruerunt?

X.
S. Greg. Tu-
ron. hist.
Franc. lib. 3.
cap. 36. Ba-
ron. tom. 7.
An. 552. 19.

Luculentum eiuscē rei, in magno Satrapa narrat exemplum
idem D. Gregorius Turonensis in Parthenij nece, cui regni Fran-
corum à Theodoberto rege cura commissa erat. Sic enim scribit:
*Franci, cùm Parthenium in odio magno haberent, pro eo, quòd tri-
buta eis antedicti Regis tempore inflxisset: ille verò in periculo se pos-
tum cernens, confugium ab urbe facit, & à duobus Episcopis supplici-
ter exorat, ut eum ad urbem Treuericam deducentes, populi sauvientis
seditionem suā pradicatione comprimerent. Quibus enītibus, nocte
dum in stratis suo decumberet, per somnium vocem magnam emisit,
dicens: Heu, heu succurrите, qui adeatis, & auxilium fertē pereanti.
A quo clamore expergefacti, qui aderant, interrogabant, quid hoc es-
set? Respondit ille: Ausanius amicus meus cum Papianilla coniuge,
quos olim interfeci, adjudicium me accercebant, dicentes: veni ad re-
spondendum. Zelo enim ductus ante aliquot annos conjugem innocen-
tem amicumq; peremerat. Igitur accendentibus Episcopis ad antedi-
ctam urbem, cùm strepentis populis seditionem ferre non possent, eum
in Ecclesia abdere voluerunt, scilicet ponentes eum in arca, & desuper
sternentes vestimenta, qua erant ad usum Ecclesia. Populus autem
ingressus, perscrutatuq; uniuersos Ecclesia angulos, cùm nihil repe-
risset, frendens egrediebatur: Tunc unus ex suspicione locutus, ait, en
Arca, in qua non est inquisitus aduersarius noster. Dicentibus vero
custodibus, nihil in ea aliud, nisi ornamenta Ecclesia contineri, illi cla-
uem postulant, dicentes: Nisi reseraueritis velocius, ipsam sponte
confringemus. Deniq; reserata arca, amotis linteaminibus innentum
extrahunt plaudentes, atq; dicentes: Tradidit Deus inimicos nostros
in manus nostras: Tunc cadentes eum pugnis, spuitq; perurgentes,
vincit post tergum manibus ad columnam lapidibus obruiunt. Vixi-
let diutius Parthenius, si rexisset clementius.*

Senec Oed.
act. 3.

*Qui sceptra duro seuus imperio regit,
Timet timentes, metus in Authorem reddit.*

XI.
Frāc. Petrar-
chal. 1. de re-
med. vtriusq;
Fortun. dial.
95.

Legem patitur, quā vititur, qui crudelis est in imperando.
Doct̄e Petrarcha scribit, qui talē statum consecutus est, conse-
cutum esse statum certi laboris, euentū ambigui, sed ut plurimū
infelicis. Non te ad historias veteres, inquit, atq; externas mittam:

qui